

Fotos y Texto: Jan Poets.

DEN AMBIENTE

Durante e certamen na Miami, Florida..

Francella Jacobs a conquista e titulo di Little Miss Flower International '98/99..

** Despues cu Francella Jacobs a logra di conquista e titulo como Miss Pre-Teen Aruba '98/99, cual certamen a tuma lugar recientemente den Cas di Cultura, tambe el a logra pa conquista e titulo como Little Miss Flower International '98/99, cual certamen a tuma lugar recientemente na Miami, Florida.

Durante e certamen di Miss Pre-Teen Aruba '98, Francella Jacobs a logra tambe e titulo di "Best Hairstyle '98, cu un peinado di Ricky Kelly Beauty Shop. Na e certamen aki Francella Jacobs a representa Ronzio Couture di Ronzio de Cuba, kende a diseña e bistir di gala, cu tambe a hasi un impacto.

Francella a worde acerca cu un sorpresa agradabel di un invitacion pa participa na e certamen di Miss Flower International na Miami. E invitacion aki tabata impresvisto y hopi riba man, pero cu ayudo y alaves danki na famia y sponsernan, Francella a logra subi

avion di Air Aruba rumbo pa Miami.

Na Miami, Francella a yega e anochi prome cu e certamen na unda Francella mester a perde soño drumi laat y tanta trempa pa su mañan pa asina siña tur e pasonan.

Tur e esfuerzonan aki di porlomenos 13 hora tabata tin su frutanan, ya cu di e cuater premionan, Francella a logra conquista tres di nan, Miss Trahe Nacional, Miss Photogenica y Miss Little Flower International. E trahe Nacional a worde diseña pa Edgar Kock.

E certamen a tuma lugar den e teatro gigantesco Manuel Airtime. Aparte cu Francella a lucha pa mantene e nomber di Aruba na halto, Francella tabata sa tambe di promove Aruba atraves di poster, video y revistanan.

Na e ocasion aki Francella a worde acompaña pa su mayoman y Hubert Rivero di Kids & Teens Organisation. Francella awor tin un

compromiso tanto cu pueblo di Aruba y cu Miss Flower International pa cu un aña y mester regresa pa baha su corona na Miami.

Porcierto recientemente tambe srta. Pamela Flanegin a logra e titulo di Miss Flower International '98/99 pa Aruba. Pues durante aña 1998, Aruba a logra conquista dos titulo importante for di e certamen internacional aki.

Pa medio di DEN AMBIENTE, Francella kier a gradici inmensamente di curazon, na tur esnan cu di un forma of otro a coopera cu su persona, pero muy especialmente, Air Aruba, su famia, Kids & Teens Organisation, Ronzio de Cuba, Ricky Kelly y demas comerciantenan.

Francella si palabranan di gradicimento: "Masha danki, cu awe mi por a logra mi titulonon tanto local como internacional".

Cu e titulo internacional aki, Francella Jacobs a demostra di ta un joven multi talentoso, ya cu su edad relevantamente joven, e ta dispone di titulonon manera, Reina di Tumbrito, Children Roadmarch Queen, Miss Pre-Teen Aruba y riba tereno internacional "Little Miss Flower International.

DEN AMBIENTE ta manda un PABIEN grandi pa Francella Jacobs y alaves ta desee tur clase di exito den tur su compromisonan pa aña 1999...



** Francella Jacobs durante e certamen Pre-Teen Aruba, cual a tuma lugar recientemente den Cas di Cultura, na unda el a logra e titulo di "Miss Pre-Teen Aruba '98/99..



** Durante cu DEN AMBIENTE tabata realizando e fotoshotnan di Francella Jacobs, nos Little Miss Flower International a acapara atencion total serca e muchanan aki di Venezuela cu ta di vacacion na Aruba hospedando den Bushiri Hotel..